
PRAEFATIO.

EX QUO stabilito a Rege **CHRISTIANO**
SEXTO gloriosissimae Memoriae Collegio Me-
dico Hauniensi, inter alia novam Pharmaco-
poeam conscribendi officium impositum fuit, varia nobis oblata
fuere Schemata, quae tamen plures ob rationes publici juris
facere merito haesitavimus. Antiquis enim praejudiciis &
praeconceptis vulgi opinionibus obvoluta Ars, multa admittere
suadebat, quae Medicorum rationalium justam censuram me-
rito incurrerent. Arduum vero erat opus, Hydram hanc
protinus oppugnare. Lentam suadebant festinationem &
consuetudo inveterata, & cauta modestaque apprehensio, ne
Publico obtrudatur Opus, Seculo nostro in omnibus, nostra
vero imprimis Scientia inclarescenti, minus dignum. Aequus
judicet Lector, an scopum attigerit Collegium nostrum prae-
senti hac PHARMACOPOEAE DANICAE Editione,
quae quavis Codicem Pharmaceuticum multo contractiorem,
limatiorem, concinniorem exhibeat, tantum tamen abest, ut
omnibus numeris absoluta pronuntiari possit, ut potius plura
adhuc dici posterae & corrigenda, & eliminanda relinqui, lu-
benter confiteamur. Quocirca & Medicos nostrates, & Ex-
teros amice hortamur & precamur, velint ea, quae ad ulte-
riorem Operis perfectionem necessaria & utilia ipsis videantur,

P R A E F A T I O.

benevole nobiscum communicare, eum in finem, ut in nova forsitan adornanda Editione, illa in nostros & publicos usus convertere possimus.

IN duas distincta est Partes nostra PHARMACOPOEA. Prima exhibet Materiam Medicam, quam PHARMACEUTICAM vocamus, quia non omnium, sed eorum Simplicium enumerationem continet, quae in nostra penu pharmaceutica asservanda censuimus. Non vero simplicem modo Catalogum, verum sic adornatum ex optimis Materiae medicae Scriptoribus conquestivimus, ut & Medicis ad Scrutinia Pharmacopoliorum, & Pharmacopoeis ipsis utilis sit & necessarius.

SEQUENTEM autem in enumerandis Simplicibus observavimus Methodum: Adduximus Nomen sic dictum Officinale; Nomina Vernacula omnis, quantum fieri potuit, Danici, Norvagici, Lapponici &c. idiomatis, & Germanica. His subjunximus in Regno Vegetabili Nomina trivialia Illustris de LINNE'; non quod haec ad dignoscendam Speciem sufficientia credamus, sed ad facilitandam hujus in majore ejusdem Autoris de Speciebus Plantarum Opere, in quo Nomina illa trivialia ad margines notata offenduntur, explorationem. Quibus praemissis sequuntur Characteres sensus potissimum ferientes, Saporis, Odoris, nec non Figurae cujuscunque fere Simplicis; Locus natalis; Tempus collectionis, & imprimis Notae Bonitatis; in quibus asserendis forte prolixiores hinc inde videbimur, quam tamen incusationem incurrere maluimus, quam contrariam.

NE vero Operis perfectioni, quantum Nostrum interest, aliquid desit, citavimus circa finem descriptionis Vegetabilium

P R A E F A T I O .

*bilium indigenorum, Magnificum & vere Regium Opus, ubique tam per Munificentiam Summi Statoris, Regis FRI-
DERICI QUINTI gloriosissimae Memoriae, quam
aeque Magni ac Benevoli Litterarum & Scientiarum Promo-
toris, Regis nostri Clementissimi CHRISTIANI
SEPTIMI, in nostris terris obvium; FLORAM scilicet
DANICAM, ab Illustri OEDERO nostro adornatam, cujus
reliqua pariter, occasione ejusdem Operis edita & adhuc eden-
da Scripta Botanica, Medicorum nostrorum & Pharmacopoeo-
rum attentae perlustrationi iterum iterumque commendata vo-
lumus. Indicata scilicet fuit Icon, quae Plantam in FLORA
DANICA exhibet.*

*CIRCA Mineralia & Animalia, partim citatum Il-
lustrem de LINNE, partim Celeberrimum WALLERIUM
secuti sumus.*

*MULTA, imo egregia ad perficiendam Materiam
Pharmaceuticam contulit Celeberrimus P. G. HENSLER,
Medicus provincialis Regius Altonaviensis, Collegii nostri Ad-
junctus, qui ea, quae per plures annos circa Notas Bonitatis
Simplicium, ex optimis Autoribus summo studio conquestit,
benevole nobiscum communicare non dubitavit.*

*ALTERA Pharmacopoeae nostrae Pars circa Medica-
menta composita & praeparata versatur. Parciores fuimus
in prioribus, quamvis largiores quam Londinenses & Edi-
nenses. Etenim opinamur, Medicis rationalibus & vere
doctis, genuinam Materiae medicae aliarumque ad Artem sa-
lutarem necessariarum Scientiarum cognitionem, copiam suffi-
cientem ad conscribendas Formulas suppeditare: Agyrtis vero,*

P R A E F A T I O .

hisque, qui prope Aegrotorum Lectulos demum ad Libros Formularum confugiunt, non scribimus.

ANTIQUAS quasdam, ob supra dictas rationes, reluctanter retinuimus Compositiones. Mutavimus alias; novas plures ex optimis Codicibus pharmaceuticis, aliisque Autoribus, aut propria Experientia adoptavimus. Aliquae occurrunt Formulae, quae recentem, dum praescribuntur, exigunt Praeparationem: Has Asterisco (*) notavimus.

CHEMICARUM Praeparationum rigorosus Examen iis Nostrum debemus, quorum expertum & probatum his in rebus est Judicium.

ADJECIMUS Taxam sic dictam, Pretium Simplicum & Compositorum Pharmacopoeae nostrae determinantem. Duplex illa est: Alia pro Regnis Daniae & Norvagiae; alia pro Holsatia & Comitatus; cujus discriminis ratio ultro elucescit.

SIC tandem, non sine labore & difficultate, perfecimus Opus, dudum in nostris Terris desideratum, & nunc eo magis necessarium, cum hoc ipso tempore placuerit AUGUSTISSIMO REGI, novis, iisque Sapientissimis, circa Rem Medicam universam, in Regnis & Ditionibus SUIS gerendam, Statutis, novum, & egregium GLORIAE EX AMORE PATRIAE Documentum, Populo SUO impertire.

HAUNIAE, in Collegio Medico Regio. Die XXXI. Decembris MDCCCLXXI.

NOTAE